



長留集

孔劉合刻

蘇嵐琴士與外刻

國子監

七言律上目錄

昔遺編懸東于林

籍保護

渡黃河趁淮上有感

吳宿邗關
遊平山堂

交蜀岡觀音閣是迷樓故址

曾紅橋
韓揚州

大返棹昭陽留寄家人

春夜過射陽湖
山宿

宜陵望東原懷宗定九

春維揚舟中即事

登金山

李厚餘以新詩見示賦答
厚餘

又以和韻緘寄賦答

一歲暮寄李厚餘魯謙

庵除夜有感

海陵元旦朝賀
喜元宵懷

李厚餘兼柬徐丙文返棹西溪喜閱義行
移舟相訪 寒食前一日予自海上還仙裳
義行漢卓交三同集署園即席分賦 清明
海陵北灣舟中作 暮春張筵署園北樓上
大會詩人漢陽許漱石泰州鄧孝威黃仙裳
交三上木朱魯瞻徐夔攄山陰徐小韓遂寧
柳長在錢塘徐浴咸吳江徐丙文江都閔義
行如臯冒青若彭縣楊東子休寧查秋山海
門成陟三家樵嵐琴士興化陸太丘畫士武

進李左民泰州姜尺玉琵琶客通州劉公寅
時閱義行代余治具各即席分賦 將之海
上同社許漱石鄧孝威黃仙裳上木儀逋交
三徐小韓浴咸丙文夔攄柳長在繆墨書陸
太丘楊東子朱魯瞻宮叙五姜尺玉家樵嵐
釀金張宴折柳贈別即席分韻再倡疊和
寄答丁飛濤 海陵留別鄧孝威將之都門
再題東原草堂并謝留飯 屢過閱義行
載雲舫留贈 喜晤龔半千兼謝見遺書畫

邗上又晤丘柯村 過訪查二瞻 前冬
過建隆寺晤倪永清今復同遠峰訪余舟中
賦贈 停帆邗上春江社友王學臣望文卓
子任李玉峰張築夫彛功友一招同杜于皇
龔半千吳蘭次丘柯村蔣前民查二瞻閔賓
連義行陳叔霞張諧石倪永清李若谷徐丙
文陳鶴山錢錦樹僧石濤集秘園即席分賦
端陽後五日宋旣庭招飲同蔣玉淵柳長
在李湯孫分賦 沉舟再遊龍珠禪院憶舊

句 館拱極臺撥悶 拱極臺樓上憶顏修
來 中秋于役射陽邀汪柱東過船小飲
維揚返棹夜至拱極臺辭寓 暮秋喜冒辟
疆鄧孝威諸耆舊集昭陽俞錦泉中翰亦挾
女部至欲作花洲社不果悵悵賦此 昭
陽拱極臺余題曰海光樓十月廿四日懸額
其上黃仙裳交三繆墨書柳長在于臣虎汪
柱東朱天錦陳霍山邑人朱霍山李艾山若
金九畹釋雲間同來落成即席分賦 將去

昭陽留別朱霍山李艾山李若金王景州歛
州李元佑九畹 歲暮還自海上寓維揚天
寧寺東館 蔣玉淵同寓天寧寺戲作遺之
歲暮同蔣玉淵汪柱東黃月舫送宗梅岑
還東原 送汪柱東南歸時同寓天寧寺
除夕同蔣玉淵陳霍山顏遇五姪衍柘圍爐
分韻 戊辰元旦寓維揚天寧寺待漏館早
起即事 元夕述懷時自秦郵回維揚寓館
法海寺樓上坐眺 盆蘭 釘魚 宋牧

仲大叅過廣陵不值賦寄 二月雪 泛舟
紅橋探春 成都費此度屢訪論學 三月
三日泛舟紅橋修禊 三月四日清明再泛
舟紅橋 消愁 僧廊曉坐聞劉在園太守
入都詩以寄懷 花前 閒庭 喜朱鶴山
王歛州自昭陽來尋 挽雪公 僻住二首
四月 寓邸漫興南柯夢處 行廚 陳
鶴山過訪西團惠新茶一瓶予方扶病 五
月又過海陵留黃仙裳月舫交三父子寓邸

小飲分賦 五月六日集繆墨書宅觀葵同
鄧孝威黃仙裳交三楊古存俞陳芳陳崔山
分韻 喜樂弟子瞽工徐義尋子廣陵 載
酒登法海寺平樓偕黃儀逋卓子任陳崔山
訪盧歇菴于臣虎消夏竟日分韻 兩夜同
黃儀逋飲朱天錦寓邸聽絃索分賦 戡定
二首 徐松之自淮上來同寓蕭寺 廣陵
中秋同張諧石王漢卓陳鶴山賞月分韻
八月十八日大會同人於廣陵觀濤舟中分

賦 秋夜贈九日同人邀梅花嶺登高分韻

登高席上酬諸同人 送柳長在謁選北

上 再過海陵寓朱魯瞻五藉園 真州懷

紀伯紫 真州回舟經王主事莊舍懷宗定

九 宿惠山 遊秦太史園 朱天錦園亭

留飲十日 喜同端梅菴朱天錦天鑑登支硎

山分賦 冬至後送盧歇菴之西湖 夜集

吳園次太守種字林同王武徵喬東湖王汲

公朱其恭馬高陵趙念昔吳彤本木華話石

門山孤雲草堂之勝即席分賦 陳丹文四
雨園臘梅花下同包侯羹黃仙裳沈雙桓小
飲分韻 海陵僧舍包侯羹移樽同黃仙裳
交三茅與唐守歲分賦 除夜感懷二首
憶昔 寓天寧寺杏園聞百舌 落梅 纔
見 題楊爾琮岷山堂 擬三月上巳 駕
駐金山祓禊于大江應制限州字 三月三
日迎 駕至江口蒙召登舟賜 御宴一盒
恭謝用前韻 再賜果餅四盤志感用前韻

送卓子任之武林 清明方樸士招同茅

與唐閔賓連吳疊峰陳鶴山鄭若干紅橋泛

舟分賦 送吳園次歸遊黃山分韻 下河

局散將北歸黃上木移樽寓樓招同仙裳交

三戴文簡話別分韻 聽女部歌徐浴咸朱

天錦俞陳芳送春新詞 北秦郵端梅菴至舟

清江浦有感 邵伯鎮訪蔣淑瞻留嘗櫻

筍 過故宮 立夏前一日繆湘沚攜具招

同黃仙裳留春分賦 再赴俞錦泉歌筵同

王大樹杜海曙楊古存成陟三孫非聞酒間
疊前韻 陳丹文四雨山房聽鶯同黃仙裳
胡繼韶倪永清黃儀逋分韻兼留別 初夏
再寓天寧寺杏園 將北歸邗上諸子于端
陽前二日集林蕙堂餞別同梁藥亭庶常張
南村處士席上賦答 酬卓子任見惠桃絲
杖 偕諸友遊王山公竹里園即席分賦
周向山招集洪衍堂消暑兼送周冰持張允
臣還雲間即席分賦 秋早江行 登燕子

磯弘濟寺用贈蒲菴舊韻 阮岩公移樽秦

淮舟中同王子由分韻 鷄鳴寺 登北極

閣觀象臺 登長干埭絕頂 莫愁湖樓上

同王安節伏草司直分得車字 清涼山高

臺晚望 訪杜蒼略 題胡致果草堂 拜

明孝陵二首 行石子岡二登牛首山弘覺

寺出宿朝爽閣 在西隱菴內 拱北閣回看牛首 獻花

岩絕 過隱仙菴 太乙泉邊留贈金陵諸

友 香雪樓望鍾山 樓在吉祥寺 拜鄭一拂先生

祠 攝山道上古墓 宿青雲室留贈楚雲

禪宗

室為棲霞寺方丈

重九後一夕俞錦泉招飲畫

舫出歌姬侑觴賦謝 覽吳蘭次太守愛山

堂修禊畫卷 別黃文岩二首 庚午二月

自淮南還 朝暮新寓 初夏過城西 夜

餞陳鶴山 顏學山生日索飲 張毅文大

理以箋索詩 張毅文招飲同陸儼庭分咏

盤中櫻桃王瓜 題葉林屋畫泛泖圖 送

許師六編修假歸揚州二首 贈彭爰琴

九九詩九首 送潘雙南旋南 送李渭清

侍讀還山林顏季相先生自壽陽來都臨別

賦贈 初冬同諸寅丈雅集時黃葵園李丹

崖在坐古題陳健夫探梅卷憚正叔畫 雨

中過蔣京少古藤書屋小飲同陳健夫袁士

旦周文在分韻 癸酉人日過陳健夫西峰

草堂蔣京少張豐村不約而集小飲分韻

王方若贈盆中桃花 壽徐芝仙 京師斜

街張第瓊花二首 賦答徐壇長 某得劉在

園太守處州消息緘詩却寄繡幕碧桃
花下同李丹崖聽曲寄懷吳劍宜京舟泊
天津燕奉使還鄉九日登大庭庫同王力區
顏遇五諸兄弟子姪春雲岸堂兀坐
閨愁夏夜新晴望月寄懷枯蒼劉在園太
守和古香雨中之作九日獨醉晚庭
送程孚夏之官黔中長至日集觀音庵
同顧天石林桐叔王漢卓陳健夫李蒼存論
詩聯社改花朝詩有序弘善寺看杏花

中春詩

有序

同人遊十里河園亭

躡

青日送顧天石之潮陽重三日陳健夫招
同毛季蓮過崇效寺松下泥飲三月雪晴
同李公凱徐華隱劉文起龐雪崖袁杜少諸
先生集雪塢上人禪院侯茂來歸隱臨安
少年行清明過李萬資寓留飲寒食
雨雪試新茶同人分賦碧山堂夏日宴
集喜晴分韻七夕集賈梅菴齋中送羅以
獻歸漢陽七夕次日同人社集重陽前

三日飲李萬資寓齋看菊 劉靜伯寓看菊

登高回赴魏鴻衍席 龐雪崖招遊崇效

寺同柯南陔僧雪塢小集 送方枚士同弟

之任信豐二首 丙子花朝社集岸堂同蔣

玉淵劉仰山陳健夫于臣虎潘層峰吳霍山

袁中江劉靜伯顧爾立朱贊皇李萬資汪紫

滄程書焉施孝虔李永祺徐芝仙李蒼存余

尺玉分韻 過龐雪崖工部看盆桃 送施

孝虔南旋 哭袁中江客死四首 程書焉

程正路招同人過慈仁寺看海棠 吳鏡庵

之淮南迎妻子 送僧樹居還金陵 善畫
花卉

陳一水中翰出守兗郡李蒼存同行索詩送

之二首 同龐雪崖工部賦得燕知社日辭

巢去 展重陽同楊耐菴閱左誠蔣玉淵費

滋衡顏季相王漢卓張遠亭李萬資陳健夫

程書焉楊恭士徐芝仙顧天石吳鏡菴張昭

敬集岸堂 僧根潔招集白雲寺 題禹尚

基畫 寒食送陶奉長歸長沙 閏二月躡

青寒食集岸堂同李萬資費厚蕃顧天石
張玉山堂中春日大雪與顧天石小飲上
已集谷寧上人丁香院修禊同顧天石陶奉
長顧爾立陳健夫劉靜伯潘層峰蔡鉉升唐
馭九徐芝仙家竹巢分韻暮春同顧天石
揚耐庵過西峰草堂飲刺梅園松下同龐
雪崖顧天石沈騶士樊花坡分韻龐雪崖
戶曹招過慈仁寺方丈看海棠同李公凱學
士蘇茂弘中書劉文起行人金素菴吳南林

沈方舟李東序沈騶士諸子憩龍泉寺東

院王相公新堂馬蘅原諫垣招陪田綸霞

少司寇念始戶曹過天壇看牡丹同鍊士高

潤生曹天全琵琶客樊花坡岸堂芍藥花

下留沈騶士顧天石陳健夫費滋衡嘗櫻桃

同過龐雪崖寓看芍藥喜遇李彙公秋日

同人賦得蒼翠日在眼九日龐雪崖招同

袁杜少黑窰廠登高聽曹天全彈琴除

夕同姪衍棡守歲同人集東臯雨後看杏

花 和東臯漁父圖原韻 金素公洪秋岩
偶過岸堂看晚菊 己卯人日社集岸堂
東臯招飲看杏花 上巳城南修禊 初夏
同李彥繩飲紫藤花下 過崔青峙寓同劉
元歎黃自先劉兩峰吳元朗咏架上紫藤
秋雨退朝寄懷劉在園觀察 重陽前三日
于章雲招同黃自先劉元歎吳元朗小集

長留集 孔劉合刻

曲阜孔尚任東塘



遼海劉廷璣在園選

渡黃河

踟躇何計救桑麻 立馬堤頭喚渡槎 八月荒蒲飛
白鳥 孤城落日照黃沙 南開清口分淮少 東阻雲
梯去海賒 此處源流誰採取 秋風初動使臣嗟

淮上有感

皇華亭下使臣舟 冠蓋逢迎羨壯遊 簫鼓欲沉淮

市月帆檣直蔽海門秋九重圖畫籌難定七邑耕
桑戶未收爲問瓊筵諸水部金尊倒盡可消愁

宿邗關

揚柳官河九曲灣繁華何處是人間笙歌不待開
花沸金粉常時過夜還隋帝樓臺橫薛路陳琳詞
賦蓋荒山二分明月今仍照感慨誰來宿水關

遊平山堂

慶曆遺堂見舊顏晴空欄檻俯邗關密疎堤上千
絲柳深淺江南一帶山文酒猶傳居士意煙花總

待使君閒行吟記取松林路每度春風放艇還

蜀岡觀音閣是迷樓故址

回首蕪城半是烟輕鞭策馬意凄然滿岡黃葉秋
深路幾寺紅樓夕照天螢苑蒼涼迷亂水雷塘疑
似訪荒田香消粉壞何年恨且解征衣喚釣船

紅橋

紅橋一曲綠溪村新舊垂楊六代存酒旆時搖看
竹路畫船多繫種花門曾逢粉黛當筵醉未許笙
歌避吏尊可惜同遊無小杜撲襟絲雨乍消魂

揚州

阮亭合是揚州守杜牧風流數後生廿四橋邊添
酒社十三樓下說詩名曾經畫舫無閒柳再到紗
窗總舊鶯亦有蕪城能賦手煙花好句讓多情

返棹昭陽留寄家人

書來都問近生涯景物全非倍憶家鞍馬何曾經
柳影枕衾大半近蘆花江頭夜雨愁明月海上秋
風數暮鴉從此早涼衣漸薄每聽砧杵淚交加

夜過射陽湖

煙水拍帆半夜歸蕭蕭敗葦幾重圍船衝宿鷺當
窗起燈引秋蚊入帳飛湖海陳登名未著蓴鱸張
翰興全違誰知冷落漁歌隊風雨萍踪夢紫微

宿宜陵望東原懷宗定九

淮南客路重陽後灣過茱萸倍可憐黃葉滿空隨
雁陣青苔一片染漁船舊山宅廢憑詩補新柳堂
成作畫傳三宿宜陵三夜雨東原悵望指秋煙

維揚舟中即事

九重封事信如何日日江干見雁過自笑開衙隨

水部偏宜鼓掉荅漁歌摩挲倦眼親書少料理新
鬚覽鏡多酬報久思無計是吳天冷雨意消磨

登金山

千重山勢趨京口萬里江濤抵寺門樓殿空明秋
木落魚龍寂寞古僧存峰頭拄杖瞻雲氣洞底探
崖驗水痕不及遠公安榻處風帆來去海朝昏

李厚餘以新詩見示賦答

荒園久住比山深鞍馬何人數訪尋雨逼除年封
冷竈風從海岸入孤衾難逢好日簷前耽苦改新

詩枕上吟賴有清狂何水部一筒來去慰鄉心

厚餘又以和韻緘寄賦答

服君恬澹避浮名刻苦吟詩日更精高手不從時
尚體佳篇只叙眼前情墻頭梅瓣黃初綻石背苔
斑綠漸生對此開函愁暮雨紅箋老眼就燈檠

歲暮寄李厚餘魯謙庵

與君度歲海陵城客邸蹉跎景易更環屋老梅當
北凍連江宿霧自西晴燈前候茗同爐坐市上談
詩並馬行傳播風流都健美一時文社壓西京

除夜有感

冷署圍爐客到頻
思鄉不得淚沾巾
千愁總累持家婦
百計難歡憶子人
宦後山田多曠廢
窮來國稅太因循
東歸亦是爲農圃
敢怨辛勤作使臣

海陵元旦朝賀

蕭寺鶯花景漸融
佛雲高處是行宮
香薰御座籠煙白
雪點朝衣襯袖紅
不改笙簧司拜起
依然劍珮列西東
使臣匹馬滄江遠
祝禮堯天處處同

元宵懷李厚餘兼東徐丙文

佳節思君夜倍多
况逢月暗少笙歌
孤燈照眼銷紅淚
涼雨當窗滴女蘿
載去良朋船恰好
吟成警句酒如何
同人祇我添寥落
樓上衝寒望海波

金林返棹西溪喜閔義行移舟相訪

驚喜逢君世外槎
春流同泛慰天涯
浸篙嫩綠颺苔縷
照眼新黃放菜花
隔水聞香曾乞火
並船論畫每移茶
荒涼海岸開艙送
見月團圓忽憶家

寒食前一日予自海上還仙裳義行漢卓交

三同集署園即席分賦

勞勞征棹憶花間重掃荒園海上還
喚友鶯聲驚客舍消魂柳色似家山
連宵尊酒無新句一月風塵改舊顏
寒食天涯漂泊裏相逢憐惜片時閒

清明海陵北灣舟中作

放眼平蕪雨氣勻浮沉宅舍夢難真
淮南景物黃金柳使客行踪綠水蘋
逢着兒童思往事封成書信少歸人
兩年辜負清明節祇覺鄉園另有春

暮春張筵署園北樓上大會詩人漢陽許漱

石泰州鄧孝威黃仙裳交三止木朱魯瞻

徐夔據山陰徐小韓遂寧柳長在錢塘徐

席一春浴咸吳江徐丙文江都閔義行如臯冒青

若彭縣楊東子休寧查秋山海門成陟三

家樵嵐琴士興化陸太丘畫士武進李左

民泰州姜尺玉琵琶客通州劉公寅時閔

義行代余治具各卽席分賦

高筵櫻笋借郇庖四面晴光接遠郊
野燕初來黃菜圃飛綿漸起綠楊梢
客中老淚逢絲竹座上遺賢到許巢
望國思鄉無限意沉吟寫向歲寒交

將之海上同社許漱石鄧孝威黃仙裳土木
儀通交三徐小韓浴咸丙文夔攄柳長在
尺玉家樵嵐釀金張宴折柳贈別即席分
韻再倡疊和王聖書客匪依隱公寅初閱
四座銷魂改舊歡落紅飄絮欲離難何須惆悵攀
楊柳且對笙歌賞牡丹近郭湖光連夜雨侵樓海
氣一春寒羣公偉錢多佳句攜上孤舟到處看

寄答丁飛濤

謝林身去送謝斜

鶯花三月放舟時留客裁書報所知入夢湖光青
未了隔山雨氣冷相吹劫餘尚有歸家鶴老去須
明紀瑞詩歲已酉公過闕里有紀瑞詩今皆驗而公未知也自悔倡酬同俗調清
尊辜負子雲奇

海陵留別鄧孝威將之都門

半載乘槎鷗鷺灘幾番離會送春殘病身久苦滄
江氣好友皆憐襍被寒樓上酒籌須記憶餅中花
片未闌珊風帆早起懷人處自寫新詞祇自看
再題東原草堂并謝留飯

東原風雨訪高蹤
楚楚山堂異老農
花朵蕭疎簷不礙
詩牋狼藉難容尋
來柳市停車馬
迎出烟村費杖筇
野外盤餐渾太古
淹留飽看手栽松

屢過閔義行載雲舫留贈

雲舫詩編已不磨
桐陰坐處勝人多
常埋夜火溫彝鼎
自寫秋山掛薜蘿
一味孤高今寶晉
雙睛賞鑒古宣和我
來繫纜聽濤處
貴買肩輿日日過

喜晤龔半千兼謝見遺書畫

野遺自是古靈光
文采風流老更强
幅幅江山臨

北苑年年筆硯選
中唐短歌肯贈將
歸操長紙還書急
就章萍水逢君非
偶事扁舟一夜聚
維揚

邗上又晤丘柯村

君到邗關我亦過
客途宦海兩如何
紅橋且看花成錦
白眼難教鬢不皤
家在齊煙書阻滯
病當江霧酒消磨
鄉人賴有柯村老
結社聯吟壯膽多

過訪查二瞻

高城僻巷接蒼苔
冒暑停車待戶開
疎散頭毛冠嬾整
蕭森盆草手親栽
留僧不惜盤餐奉
索畫須

攜襪被來顛米迂倪今識得齋中淹坐戀茶盃
前冬過建隆寺晤倪永清今復同遠峰訪余
舟中賦贈

寒泉老柳寺門荒曾訪高踪坐夕陽雪片一天吹
背冷梅花整樹插瓶香選樓我服君高手塵市誰
容爾俠腸此日登舟同佛印坡公口過亦何妨

停帆邗上春江社友王學臣望文卓子任李

玉峰張築夫彞功友一招同杜于皇龔半

千吳菌次丘柯村蔣前民查二瞻閔賓連

義行陳叔霞張諧石倪永清李若谷徐丙

文陳鶴山錢錦樹僧石濤集秘園即席分

賦

北郭名園水次開酒籌茶具亂蒼苔客催白舫爭
先到花近紅橋賭勝栽海上猶留多病體樽前又
識幾詩才蒲帆滿掛行還住似爲維揚結社來

端陽後五日宋旣庭招飲同蔣玉淵柳長在

李湯孫分賦

亂水荒蒲何處家祖庭原是廣文衙官閒且管樽

前句葵盛能開節後花古禮盤餐多簡貴遺賢冠
帶有烟霞親逢著作東吳老那似尋常對絳紗

汎舟再遊龍珠禪院憶舊句

樓閣晴煙近海涯扶僮直上釣魚艖水關人出多
於陌荷葉香來不讓花選勝須尋禪院坐聽經又
乞野僧茶年前題壁塵封盡細掃重吟向客誇

館拱極臺撥悶

拱極臺高俯碧流隔溪風物眼中收宰官亦且乘
漁艇水鳥公然宿縣樓海上鄉書常隔月雨餘荷

氣忽成秋昭陽北去無窮浪早閉門窗夜夜愁

拱極臺樓上憶顏修來

雨中曾與故人離偶爾登樓想欲癡岸草渾爲天
綠處湖煙那是水窮時原無好賦追王粲又碎孤
琴謝子期每日荷風吹淚眼裁書此景報誰知

中秋于役射陽邀汪柱東過船小飲

佳節驚心起百憂勞勞又向射陽遊頻迷夜路呼
漁火強並隣船散酒籌近海村烟無好月當官簫
鼓作中秋今年此日還爲客兩點敲窗送白頭

維揚返棹夜至拱極臺辭寓
匆匆夜轉廣陵舟冒雨登臺似夢遊
宅舍飄飄全近水
芰荷殘敗暫辭樓
題墻詩句行還看
無主煙雲散
不收留
話鄰人答勝友
新移榻具柳南頭

暮秋喜冒辟疆鄧孝威諸耆舊集昭陽俞錦

泉中翰亦挾女部至欲作花洲社不果悵

悵賦此

盡典寒衣付酒旗
百花洲上訂秋期
書船儘可停荷院
湖水纔能接
荳籬白髮才人鳩
首杖紅牙女

部柳枝詞一番勝事空惆悵
誰續中原絕調詩

昭陽拱極臺余題曰海光樓十月廿四日懸

額其上黃仙裳交三繆墨書柳長在于臣

虎汪柱東朱天錦陳霍山邑人朱霍山李

艾山若金九畹釋雲間同來落成即席分

賦

重來臺上舊僧迎
雲物荒城看即驚
經夏荷香支枕處
連天海氣得樓名
蘆歌漁浦添寒水
木落人家住晚晴
客裏登臨同勝事
詩成却有仲宣情

長留集
卷之七
將去昭陽留別朱霍山李艾山李若金王景
州歙州李元佑九畹

歲暮移家何處還輕裝短棹下江煙抱城衰柳縻
行纜攜手離樽寫贈篇碣石勲名多議論香山耆
舊好周旋曾看百里荷花放贏得漁人識使船

歲暮還自海上寓維揚天寧寺東館

既罷征塵得自如故人多在廣陵居天垂雪雨催
孤客日落滄江別老漁蕭寺閒看新殿閣胡床亂
檢舊圖書相逢慚愧雙蓬鬢不見宮鶯兩歲餘

蔣玉淵同寓天寧寺戲作遺之

賦別昭易去未曾淹留古寺臥寒冰同嘗薄酒由
天湊漠視飢腸讓爾能問字經壇僧弟子聽鐘齋
院丐賓朋客愁宦苦消融盡啼笑無端對佛燈

歲暮同蔣玉淵汪柱東黃月舫送宗梅岑還

東原

寒梅凍柳接江鄉薄暮留君話轉長客日只憑樽
酒過幽人也爲歲時忙煙生晚浦消殘雪路隔疎
林認草堂早到東原緣底事獻春椒酒欲開嘗

送汪柱東南歸時同寓天寧寺

淹蹇除年去已遲
離情忍使客中知
寺留白雪天寒處
舟向青山酒盡時
月夜鄰家誰看竹
旂亭江上罷論詩
整年貧病君全見
相送何言有淚垂

除夕同蔣玉淵陳霍山顏遇五姪衍棊圍爐

分韻

思親望國鬢全皤
佳節誰憐野寺過
兩度鶯花違玉漏
一冬書信阻黃河
筵前真笑平時少
客裏貧交到處多
同坐除年心事異
都將眼淚滴笙歌

戊辰元旦寓維揚天寧寺待漏館早起即事

燈映疏盤雪映簷
新詩老酒趣相兼
無窮爆竹爭寒夜
有意春風揭曉簾
待漏僧樓鴉半起
聽經梵殿鼓三嚴
呼嵩祝壽微臣在
一瓣爐烟望闕

添

元夕述懷時自秦郵回維揚寓館

客愁無賴酒難勝
細話艱辛向友朋
半夜風催邦水棹
漫天雪斷廣陵燈
鄉園老淚今偏慣
簫鼓春遊少
頗能獨坐更殘
江月暗宦情全似比鄰僧

作伴不堪初柳被相欺圍爐官閣寒仍甚買酒紅
橋約又遲江上年年春社燕今同使客悞歸期

泛舟紅橋探春

船船爭渡水西東畫意亭臺看不同絲柳仍存螢
苑綠板橋全爲酒旂紅人隨舞社匆忙燕歌趁吹
花次第風都笑使君塵滿面輕衫也入冶遊中

成都費此度屢訪論學

孤踪野服世難宜避亂江干發浩悲垂老名成隨
社懶經春雪大出村遲夔州奧句家能誦洙水真

源世少知同坐春風花好處忘言却到古皇時

三月三日泛舟紅橋修禊

楊柳江城日未曛蘭亭禊事共諸君酒家只傍橋
紅處詩舫偏迎袖翠羣久客消磨春冉冉佳辰引
逗淚紛紛撲衣十里濃花氣不藉笙歌也易醺

三月四日清明再泛舟紅橋

鄉心愁見柳長條同盪輕舟第二朝終古清明逢
細雨滿城歌笑賴紅橋亭臺占水春垂釣燈火迎
人晚弄簫潦倒江頭歸未得三年此景兩魂消

新消愁
紗帽山人住不同三間破廨寺門中烟藏曉柳濃
連郭雪化春流響向東客夢纔完窗罅白家書先
看紙封紅消愁整理閒花草寒食生憎送雨風
僧廊曉坐聞劉在園太守入都詩以寄懷
僧廊深閉竹成叢春事悠悠積雨中窗友燈前驚
老瘦菜傭門外笑真窮枯槎豈是封侯具好賦須
憑送閣風早起天階吟想處龍墀聽漏冷相同

花前

花前閒坐老江南冰冷官衙久自諳書吏只分詩
稿閱山僧直到臥牀談濃煎豆乳香沾筋嫩採榆
錢綠滿籃一飽逢人誇菜味鮓魚櫻笋爲誰甘

閒庭

病餘春暮怯衣輕背手閒庭近午行榴葉嫩同霜
後色竹林晴作雨來聲觀書目遠疑將老借款詩
多似有名靜坐還憂清福折人能敢去與天爭

喜朱鶴山王歙州自昭陽來尋

看花數有札相催次第船迎雪浪來滿市鮓魚穿

長留集
卷之八
綠柳沿溪竹笋破蒼苔詩從到手經春展門爲留
茶半日開聞說攜裝同寺住月明好過久徘徊

挽雪公

來棲古寺就香厨僧死山空客更孤飯後還聽三
磬響座前不見一籐枯閒堂雨地生春草大樹風
枝叫夜烏早晚叅時多偈語何如此日說真無

僻住

僻住僧寮散友生蒼苔小路想詩行隋宮全換新
歌板謝墅還聽舊燕聲紅放一枝和雨傲白來雙

鬢與鬚爭君看窮處人先老莫信東風不世情
孤宦三年憶舊羣春來每夜夢紛紛愁催青鬢難
容鏡路阻黃河只見雲等月過牆移榻看攀花到
枕就香聞清宵留住閒談客藏酒剛能管半醺

四月

四月春歸綠滿枝出城人怕送春遲笙歌早占紅
橋水風雨從飄酒店旗未熟櫻桃和葉賣有名芍
藥帶花移客來貪看揚州月檢點囊金費幾時

寓邸漫興南柯夢處

宅近溥于夢亦同心
情年少髻成翁官雖欲做忙
何事詩不能工負此窮春病
錯過花好日晚涼堅
坐月明中行厨米盡賓朋散
省却聯吟燭影紅

行厨

行厨兩日少炊烟
詩卷療饑放眼前
酒盡雨時空
坐話客來午後尚
驚眠垂垂小柳黃金穗
片片殘
梅白玉錢
人事無如花事繁
芳春肯負廣陵天

陳鶴山過訪西園惠新茶一瓶予方扶病

鶴山曾續廣陵詩
千里扁舟興亦奇
訪路無人經

草蕩分衙有吏住
叢祠相逢贈茗烹
泉處忽憶聽
鶯坐柳時海上春光原
落寞參苓又遣病夫支

五月又過海陵留黃仙裳月舫交三父子寓

邸小飲分賦

三年歷盡路巉巖
五月江城又轉帆
詩興疎如違
老友宦情冷似着
輕衫飄零過眼花
成陣辛苦隨身書滿函
且洗塵顏招近局
春愁客夢一時芟

五月六日集繆墨書宅觀葵同鄧孝威黃仙

裳交三揚古存俞陳芳陳霍山分韻

五月不知端午節高筵今日見葵花盃中眼淚多
於酒客裏人情熟似家近宅湖平無麥事當窗樹
密有蜂衙應因泛海槎遲到留得菖蒲酒味嘉

喜樂弟子瞽工徐義尋子廣陵

自別宮懸淚滿裳與君忽遇大江傍周京東去風
誰採吾道南來樂未亡韶舞千秋歸鄭衛箏琶一
曲亂宮商何年返魯同師摯重考逸亡詩數章

載酒登法海寺平樓偕黃儀逋卓子任陳霍

山訪盧歇菴于臣虎消夏竟日分韻

盪出荷花十里灣南朝古寺看僧閒長流溪水通
何處冰冷窗風異世間入座齊開輕白袷隔江相
就好青山著書高士經年住引我扁舟數往還

雨夜同黃儀逋飲朱天錦寓邸聽絃索分賦

看過揚州開謝花吳陵重到掃荒衙紛紛枝上黃
梅雨泛泛鷗羣白浪槎岐路逢君衣有淚傾囊結
客酒爲家江南絲管龜年在歡極渾忘滯海涯

戡定二首

戡定三藩武似神太平不意見黃巾從容畫策無

專閫倉卒捐生失重臣萬里封章懸驛馬幾船風
雨匿江蘋廣陵西倚金陵壯戍鼓催兵已二旬
城郭無端又劫灰紛紛震耳信如雷青天猛虎捉
人去黑夜逃官帶印來父老牽船皆受撻將軍演
陣屢登臺中原底事倉皇甚自有乘時戡亂才

徐松之自淮上來同寓蕭寺

渡口風涼泊釣艫山臞骨相飽煙霞吟詩江上垂
垂老結社淮南處處家野路纔消新漲水秋荷猶
放未完花宦情客况相逢好日落同聽古寺鴉

廣陵中秋同張諧石王漢卓陳鶴山賞月分

韻

太平風物舊揚州况賦新詩庾亮樓鄉思且停簫
鼓夜征夫暫泊水雲舟難逢明月三分足有數才
人一座收沉醉乘風飛欲去南來得意此中秋

八月十八日大會同人於廣陵觀濤舟中分

賦

浪拍江村岸不真廣陵舊事問何人曾觀賦卷全
消病况駕樓船大會賓秋雨平添三尺碧晚潮橫

卷萬層銀月輪雖照當年水幾見臨流詩句新
秋夜豈不真黃菊書中
早晚鐘聲只傍僧黃花時節興難乘隔江送雨浮
雲快落葉驚人老樹能壁上蝸牛來食紙牀頭黠
鼠候吹燈頻年肺病今秋甚夜起空齋支古籐

九日同人邀梅花嶺登高分韻

攜手荒臺日未低四週烟樹意淒迷不知何代行
宮路只見今秋種菊畦脫帽頻搔衰鬢笑看山忽
爲古人啼登高宴上同吟者一首新詩醉似泥

登高席上酬諸同人

隋苑登臨久訂期天涯兄弟果相攜收藏老淚聽
新曲指顧秋原說舊基誤節從他開菊晚望鄉不
在立臺時年年客裏茱萸會有甚窮愁未上詩

送柳長在謁選北上

此時此地送行卮同客同愁久未離海上還能攜
我手花前不肯少君詩鴈迎淮水舟停處馬過蒙
山雪下時父老欲爭賢縣宰各誇風土最相宜

再過海陵寓朱魯瞻五藉園

重來尚賴主人翁賢借與西園似輞川爽朗牕欄安
臥具蕭疎林木起炊烟隸人暫免花間喝官馬從
教竹裏牽自悔頻年塵俗甚知交不信吏能仙

真州懷紀伯紫

真州景物廣陵同只隔蘆花一夜風酒店原開紅
袖底城門亦在綠楊中催帆萬里潮頭亮橫眼千
山雨氣濛可惜江樓深閉鎖詩人老去響秋蟲

真州回舟經王主事莊舍懷宗定九

隔林山色到船篷來往江鄉詩句中謝墅主人絲

竹少輞川亭子畫圖同亂流洲上蘆全白幾樹村
頭葉最紅愛此秋光停棹久行吟不見浣花翁

宿惠山

直刺船頭進古藤不妨枕對石峻嶒藏煙澗道冬
流水釀酒人家夜有燈自是名山當驛路却教忙
客訪詩僧紅塵知在青松外誰解白雲蓋幾層

遊秦太史園

石門轉入步徐徐幽館閒堂淨掃初不少真山當
戶牖最難活水到階除怨歸楚賦香猶發冷到吳

江木未疎正好看雲樓上立回頭忽憶舊茅廬

朱天錦園亭留飲十日

楓橋葉落景初冬纔整閒園主與濃曲沼滿留秋
雨水新山全借古人松每同碁局爭仍笑曾枕書
函醒亦慵十日塵顏應浣盡蕭疎不似使臣踪

同端梅菴朱天錦天鑑登支硎山分賦

吳江霜重客來初晴日探山上笋輿黃葉落時僧
路斷清泉滴處藥苗疎行當亂石旋開境望入千
松更有廬此處雲煙誰奪取閉關擬著晚年書

冬至後送盧歇菴之西湖

蕭寺墻東歲又除與君觀化共閒居今年春草根
還在昨夜寒冰寸有餘白髮曾無叅易友青山豈
少挂簾廬栖栖獨向湖干去淚灑衝風滿擔書

夜集吳園次太守種字林同王武徵喬東湖

王汲公朱其恭馬高陵趙念昔吳彤本木

華話石門山孤雲草堂之勝即席分賦

已負逃名學道心不堪重話舊煙林旋開谿水曾
爲圃纔創書堂未挂琴秋夜雨連牕易壞樵人路

近樹難深出山豈是迷津者拜別孤雲竟到今
陳丹文四兩園臘梅花下同包侯羹黃仙裳

沈雙桓小飲分韻

處士茅廬積雪深臘梅枝底許相尋蜜香漸吐春
回院冰柱全融雀噪林蓮殼收乾磨古硯鶴雛養
大配孤琴看花訪道人齊到醉裏高賡梁父吟

海陵僧舍包侯羹移樽同黃仙裳交三茅與

唐守歲分賦

吟詩曾記馬軍催

丙寅除夜李厚餘
曾以馬軍催詩

又是除年恰又來

破寺還加三尺雪荒城不見一枝梅貧交煖我如
爐火鄉思尋人到酒盃且耐敝裘今夜冷黃河臘
凍眼前開

除夜感懷

五雲北望是堯天重疊恩波到野田官冷偏留湖
凍處家貧還累母殘年人情薄厚今宵見仕路逢
迎幾處全欲寄鄉書無可寄三年愁緒驗詩篇
來投蕭寺暫忘機四十一年悟昨非古佛也甘無
夜火癡僮莫怨少新衣城鄰海氣鷄催曉雪壓林

梢鴉忍饑一夜僧樓吟未穩紙牕亮處見春暉

憶昔

憶昔春宵傍父兄故園風景乍承平城門吏放深
更鑰樓下人聽上界笙珠履貪遊從雪泥花燈不
熄任天明誰知此夜來爲客漁火江邨照獨行

寓天寧寺杏園聞百舌

客裏閒眠感歲華無端百舌近牕紗最愁綠樹臨
明雨苦叫紅樓未醒花萬轉難言春結恨五更不
放夢還家子規亦是消魂鳥那得撩人淚似麻

落梅

寒梅開遍雪中英半月尋詩無限情小院飄時香
未歇春枝稀處子纔生斜風細雨登樓望萬樹千
林拂袖行最愛一番花信早飛花襯出好江城

纔見

纔見垂楊綠漸高少年結伴試春袍花驄踏草蹄
無定紅袖當壚眼易挑風裏烟筒噴腦麝雨中纓
帽濕櫻桃六朝佳麗消沉盡扶杖堤頭看爾曹

向平題楊爾松岷山堂

向平願足早能閒買得林泉似舊山一徑直從苔
上過雙門深在竹中關何人讀史舒長嘯每日修
仙駐好顏聞說桃源無洞口親曾兩度看花還

擬三月上巳駕駐金山祓禊于大江應制

限州字

京口雄關控九州金山頂上閱江流擎開羽扇千
官拜圍滿龍舟萬姓畱柳岸有風吹豹尾花宮消
霧見螭頭筵前一曲昇平樂不待南薰盡解愁

三月三日迎

駕至江口蒙召登舟賜

御

宴一盒恭謝用前韻

蒲伏迎鑾江水頭侍臣招手上龍舟堪憐憔悴巡
湖海又得從容拜冕旒徹出瓊筵驚滿岸捧來
金椀晃雙眸三年粗糲中腸慣飽飫珍饈翻淚流
再賜果餅四盤志感用前韻

雨露行春到處謳沾恩誰似使臣稠尚方餅餌
非常品中使金貂送小舟舞蹈瞻天襟惹汗甘
香到齒面含愁提攜亦有青絲絡不得東歸奉白

頭

送卓子任之武林

西湖是爾昔年遊，趁着晴光又放舟。
輦路纔容芳草長，御河直出大江流。
聽歌暖日遮新扇，買酒春風指舊樓。
縱是六橋花信早，穠桃也爲故人留。

清明方樸士招同茅與唐閔賓連吳疊峰陳

鶴山鄭若干紅橋泛舟分賦

不是樸翁費酒錢，風光那到寺西邊。
乍開晴日迎歌扇，滿放春流載畫船。
芳草添來無限憶，桃花受過幾番憐。
斜陽轉棹詩情動，留戀紅橋似少年。

送吳園次歸遊黃山分韻

春堤不爲柳徘徊，老去思鄉帆夜開。
故國村原迎面近，當年朋舊入心來。
松林選地謀新築，藜杖尋鄰步古苔。
家裏名山容易看，詩篇莫待滿囊回。

下河局散將北歸黃上木移樽寓樓招同社

裳交三戴文簡話別分韻

明日紛紛送使船，下河還剩水兼天。
頻逢饑饉春耕後，空話經綸暮雨前。
惜別故將詩下酒，壯行只賴樹飄錢。
年年歸計荒唐甚，翻笑臨歧意黯然。

聽女部歌徐浴咸朱天錦俞陳芳送春新詞
花前同我浣征塵都是青蓮好後身紅豆拍中催
醉早金釵眼底愛才真一春閒恨因芳草滿紙新
聲付美人只恐曲終燈又炧臨行惆悵損精神

秦郵端梅菴至舟

柳絮濛濛撲去舟江城如畫古秦郵解鞍官馬花
叢歇避雨征夫酒店投歸計登程猶未信故人見
面轉添愁隔堤絕愛湖烟好那得從容上驛樓

清江浦有感

一綫河堤萬戶煙紆籌不吝使金錢纔消冰柱寒
歸海又漲桃花暖拍天水路官栽防岸柳酒樓人
看過關船祇今名勝堪題處猶有村翁憶往年

邵伯鎮訪蔣淑瞻留嘗櫻筍

不寄新詩隔歲年尋君宅第大湖邊朱櫻未見啣
山鳥翠筍纔驚迸野田厨裏洗盤謀下酒柳邊繫
纜待嘗鮮匆匆一飽鄉心亂又過江南四月天

過故宮

怱忙又散一盤碁騎馬來看舊殿基夕照偏逢鴉

長留集孔
點點秋風只少黍離離門通大內紅牆短橋對中
街玉柱歌最是居民無感慨蝸廬僭用瓦琉璃

立夏前一日繆湘止攜具招同黃仙裳留春

分賦

明日東風何處邨留君信宿掩柴門飄零江上花
枝少繾綣燈前淚眼昏南浦買來舟載恨長亭栽
就柳消魂今年歸計兼春事費盡情人無限尊

再赴俞錦泉歌筵同王大樹杜海曙楊古存

成陟三孫非聞酒間疊前韻

去船不道是歸船分手華筵只數天薄福消完桃
扇底艷詞聽夠藥欄前者英舊社門盈履櫻筍新
厨院滿煙今夜杯深情更重逢君那復意蕭然

陳丹文四雨山房聽鶯同黃仙裳胡繼韶倪

永清黃儀逋分韻兼留別

細雨濛濛過板橋幽人住處綠楊高流鶯全學家
山語醇酒能寬使客勞歸棹尚留殘襪被別筵莫
話舊風濤沾襟讀罷江郎賦不覺燈前長二毛

初夏再寓天寧寺杏園

杏園雨過又停車老樹低枝巷曲斜風定更無花
逐陣泥多纔見燕成家往來朋少門空設坐起身
輕吏不譁布襪青鞵隨意好却嫌僧院苦留茶

將北歸邗上諸子于端陽前二日集林蕙堂

餞別同梁藥亭庶常張南村處士席上賦

答

相將有限即東西江水山雲路不齊青到燕臺皆
驛柳白完潘鬢自河隄人家節近花當眼客舍杯
殘鶯亂啼多少新知兼舊友離情難盡一詩題

酬卓子任見惠桃絲杖

贈我桃絲愜素懷倩人寄到舊茅齋未知老去身
還健定是歸來馬不諧落照疎林扶瘦影蒼苔仄
徑引芒屨別君早擬思君處不立山巔立水涯

偕諸友遊王山公竹里園即席分賦

輞川亭子綠溪隈長夏風涼去復來着雨新荷當
午放遮天修竹抱堂栽蕪城賦後甄生薜隋苑兵
餘井貯灰獨有裴王賓主在登臨又見古池臺

周向山招集洪衍堂消暑兼送周水持張允

長留集
臣還雲間即席分賦

高堂六月似烟汀
世外相將醉不醒
煮茗忽驚當枕沸
着碁正好隔簾聽
愁催老客盈頭白
山引歸舟滿路青
幾日送人兼送我
江邊好會總浮萍

秋早江行

秋烟渡口夜船爭
千里蘆花放客程
老膽不驚高浪險
長風易送滿篷輕
紆迴山勢隨江岸
重疊雲頭起帝城
此處興亡牽望眼
歌詩尚有禦堪橫

登燕子磯弘濟寺用贈蒲菴舊韻

舍舟直上寺堦除
樹底江流入望初
到屋依然臨水坐
垂簾不斷與雲居
千帆客急僧常定
百代年忙景自餘
滿眼滄田無問處
登臨難恃古人書

阮岩公移樽秦淮舟中同王子由分韻

宮飄落葉市生塵
剩卻秦淮有限春
停棹不因歌近耳
傷心每忘酒沾唇
山邊水際多秋草
樓上船中少舊人
過去風流今借問
只疑佳話未全真

鷄鳴寺

鷄籠高寺古規模
先造香臺後建都
此處鐘聲驚

帝枕當年盞飯出宮厨一從殿閣秋生草漸許梧
桐夜睡烏院院僧雛頭白盡鍾山氣冷守浮屠

登北極閣觀象臺

萬家天上一亭孤有客來吟至日晡廟破城荒悲
往事水連山斷覽雄圖秋苗禾黍盈南內舊本笑
蕖滿後湖一自標題勞御手從新氣象壓三都
登長干埵絕頂

建業龍盤舊紫宸九層高處望纔真週遭挂樹江
如練向背開樓瓦似鱗市裏人忙看漸小窗中日

大坐相親泠然四面天風過不帶凡間半點塵

莫愁湖樓上同王安節伏草司直分得車字

何處探幽憩使車烟樓雨寺水南涯客魂消在佳
人字詩興多於處士家亂柳不將湖露岸殘荷纔
讓蓼開花波光靜裏誰來往羨煞當風燕子斜

清涼山高臺晚望

翠微亭址最高臺望眼蒼茫亦壯哉沙岸闊邊羣
馬臥石關窄處密松栽正當落日光浮動看盡長
江勢去來欲指六朝興廢地萬家不故晚烟開

市烟盡處是茅廬問訊漁樵識面初古井秋槐危
坐者禿鬚破袖苦吟餘怕逢冠蓋聞時政閒管兒
孫習舊書前輩風流存世少况君又好閉門居

題胡致果草堂

草堂開向好山光疎雨微雲滿巷涼葉葉秋紅常
礙步篇篇佳句每爭牆留茶忽覩前朝器在座時
聞古墨香自是名門風味別不將佳麗附齊梁

拜明孝陵二首

夕陽紅樹間青苔點染鍾山土一堆厚道羣瞻
今主拜酸心稍有舊臣來石麟礙路埋榛草玉殿
存爐化紙灰賴有白頭中使在秋晴不放墓門開
宋寢齊陵盡野莎英雄有恨欲如何寶城石壞狐
巢大龍座金消蝠糞多瞻像猶驚神猛氣禁樵渾
仗帝恩波蕭條異代微臣淚無故秋風灑玉河

行石子岡

嶺雲溪水盪凡胸停卻籃輿試短筇古路向山皆
甃石午炊何處不燒松連天江氣明還滅回首城

烟澹又濃眼底欲憑龍虎勢直須身到最高峰
登牛首山弘覺寺

直向松林密處登烟雲忽透殿層層收來遠岫無
邊翠接入長江一道冰老瓦常棲分飯鳥殘陽只
照補鞵僧我來禪院何緣住莫便安單說上乘

宿朝爽閣

在西隱
菴內

山閣閒眠無定期西南林壑又相宜若停對景關
窗處不悞聽松就枕時雲出牀頭常潤被秋生樹
杪忽催詩塵緣未謝何來此慚愧高僧夜自知

拱北閣回看牛首

獻花岩
絕巔

荒山絕壁幾人來牛首雙峰對面開秋野極多新
塚墓南朝還有舊樓臺逶迤路向雲端入古拙松
於畫上栽昨日支頤吟坐處回看方曉是蓬萊

過隱仙菴

蓬壺莫問景何如定有仙人樹裏居黃鶴白雲家
隱隱青天碧海夢徐徐烟飄石洞炮靈藥露滴松
棚濕道書欲乞長生真秘訣幾莖霜鬢已難除
太乙泉邊留贈金陵諸友

送我北歸酒半醺依依只戀鷺鷗羣曾摩古寺前
朝樹得臥秋山昨夜雲好月江邊應獨酌新詩馬
上豈堪聞同探太乙泉中水較取深情不似君

香雪樓望鍾山

樓在吉祥寺

片時來借一牀棲十里鍾山似取携蕭寺雲霞添
碧瓦孝陵風雨壞紅泥秋前老葦花將徧亂後新
松頂未齊只有茲樓堪坐眺塵沙不到鳳城西

拜鄭一拂先生祠

無限憂懷付逝波閒門長日掩松蘿鄉親設奠風

猶古諫草傳碑字未磨三戶人烟春慘淡九重臺
殿勢嵯峨吞聲滴罷祠前淚也有新圖在袖多

攝山道上古墓

岿嶢古墓長荆榛別姓耕田少拜人看此規模應
將相問其時代乃梁陳薛碑捫字勞行客石馬成
精嚇住民死日即非存日盛泉臺何況又千春

宿青雲室留贈楚雲禪宗

室為棲霞寺方丈

上界青雲自一家木魚梵唄亦無譁簾垂靜室聞
碁子童掃閒堦積桂花霜後果仁堪佐粥石中泉

乳更宜茶還藏雪洞詩千卷借與秋窗映晚霞
重九後一夕俞錦泉招飲畫舫出歌姬侑觴

賦謝

畫舫移來綠水灣娟娟新月照雲鬟客當秋夜何
心睡身到歌場萬事閒幾插山萸成白髮一聞水
調損紅顏誰能石酒留髡醉地主深情似舊山

覽吳菌次太守愛山堂修禊畫卷

修禊當年勝若何展圖猶見柳婆娑州城放眼湖
光近太守關心花事多未許簿書妨酒醞儘容賓

客着漁蓑愛山堂壁詩篇在記得風流似永和

別黃文岩二首

津門從我著征衣南渡黃河萬事違雙鬢漸看青
處少三年總計飽時稀船將分路風兼雪雁到離
羣叫且飛眼淚不知傾盡未霜林西望有斜暉
南颿北棹倚輕裝舊事關心兩未忘大海潮頭常
對坐荒城雪裏每連牀無多酒甕供君醉不盡詩
篇伴我忙臨過船時停又語路人誰識九迴腸

庚午二月自淮南還

風朝

三年征轡又還自朝入眼風光曉霧消禁院紅多
墻映日御河綠重柳垂橋重隨劍佩趨新步乍入
班行認舊僚事事生疎資笑柄向人難折病時腰
鳳城城外滿紅塵只動春風不見春苑裏百花應
自發社前雙燕竟誰親纔營斗米支寒竈又買肩
輿謁貴人搔白頭顱無計好叔教貧倍去年貧

初夏過城西

微雨侵晨灑萬家西山翠色映晴霞輕輕曉燕泥

沾嘴淺淺新畦菜長芽廟市金珠供內府天街槐
柳歇官車王孫攬轡相逢處只問豐臺芍藥花

夜餞陳鶴山

攜手惟應把酒瓢漫將往事話今宵燈前白髮催
無賴海上蒼顏洗不消孤月同看貪夜坐長篇頻
和誤晨朝人生聚散迷離夢一據征鞍信又遙

顏學山生日索飲

春風沂水舊孩羣白髮浮名老媿君賦草不能高
處獻俸錢常賴餓時分早朝宮霧濃如雨乍冷河

冰嫩有痕西第過尋開壽筭清癯面色借微醺
新賀烏巢舊鳳池鸞箋催寫上元詩王揚體就遭
人哂湖海編成屬自欺歌闌燈橋初散處風催花
信不停時邀君聯句青錢少閒煞齋頭白玉卮
張毅文招飲同陸儼庭分咏盤中櫻桃王瓜
四月高齋氣候和嘗瓜試果客來過含酸出籠紅
成豆帶刺登盤綠勝螺初荐寢園頌有限纔逢野
老賣無多今朝珍重筵邊見狼藉風光想薜蘿

題葉林屋畫泛泖圖

此處秋晴好放舟山嵐湖影目全收飽經霜氣新
鮮葉狎慣漁翁自在鷗酒伴南鄰邀二阮畫家北
苑授三婁窗中誰客誰爲主羨爾豪吟坐上頭

送許師六編修假歸揚州

山中經濟亦名臣未老何妨乞此身取壯行囊惟
卷帙恰逢物候到鱸葦誰移晚菊黃充屋手種雛
松翠過鄰醇酒竒文皆却病歸來不但藥籠親
關雲海月不勝愁黃葉紛紛撲去舟奏罷驪歌空

長留集
卷之七
七言律上
七
悵望看來鶴背最風流
茱萸灣口常經路
揚柳城根舊住樓
杜牧當年渾是夢
送君加倍憶揚州

贈彭爰琴

買山無力遯難肥
八口驅君別釣磯
亂日經多霜入鬢
浮名消盡布爲衣
情通詩卷論交晚
雪滑天街聚話稀
今日深盃同客舍
悄然歌罷與心違

九九詩

子製九九圖成每九各爲一詩其詞非俚則腐安樂窩中或有此體

九九圖成獨自吟
先天難解到如今
歲寒原有純陽氣
世晚須留太古心
誰信果從冰裏結
皆知梅向嶺南尋
紅爐一點無多煖
大地春光此處深
翩然野鶴久羈籠
月俸支來困不空
壁上圖書真措大
爐旁頭腦正冬烘
揮毫也吐凌雲氣
把盞能消急雪風
漫擬買山兼卜宅
昔人避世只墻東
五夜床寒火力微
青燈相對已忘機
喝街元老衝霜過
覓食羣鴉趁月飛
幾處華筵慵赴酌
經年質庫不回衣
雲烟聚散渾閒事
飽眼曾從廟市歸

長留集
儒官門面未嫌貧鎮日垂簾爐火親屠狗賓朋然
諾重打油詩句性靈真書函畫卷多名墨布襪羊
裘似野人如此消寒誰健羨挑燈夜坐獨精神
紛紛雪落戶難開一榻孤眠書亂堆領會羲文觀
象意消磨管晏濟時才每晨數米餐三頓一月隨
衙走六回官是寒曹天又冷青氈坐破有誰來
兒童戲把勾芒鞭驚見新春入舊年暖氣無形能
化雪寒威有限不欺綿菜盤特爲貧交設節假如
將病體憐多少故人騎馬過春風肯到臥牀邊

騰騰冷寓起炊烟煮酒燒豚又獻年爆竹傳來聲
踴躍桃符換去景新鮮八年金暗貂冠頂一寸塵
封蟒服肩今夜燈前重拂洗風光馬上映晴天
邊風又送雪鱗鱗地自寒冰天自春豈有乾柴添
冷竈休將閒話告忙人十分命相談何易七日陰
晴驗不真漸近帝城燈火節歡場且與小兒親
半月風雲變萬千韶光流水過燈筵官衙事簡從
容去布被溫多自在眠解凍開花春次第違憂行
樂自周全熟知理數先天定未敢因循誤後賢

送潘雙南旋南

看君老鬢上孤舟袖拂斜陽無限愁
燕市酒壚成冷落梁園雪賦減風流
歸期伴雁過秋水鄉月迎人到驛樓
只有閒曹遲暮客一樽飲盡話難休

送李渭清侍讀還山

羨君矯矯出緇塵郭外秋高發興新
一路白雲同入岫幾行紅樹易迷津
重將祖帳傳佳畫未必歸田讓古人
野老來迎相問訊玉堂閒話且休論

顏季相先生自壽陽來都臨別賦贈

閉閣焚香臥自如郡齋聞得似閒居
原因薄宦尋山水定有佳篇雜簿書
一別何曾攜手易重來仍是把盃疎
客途聚散真萍水話舊還期返舊廬

初冬同諸寅丈雅集時黃葵園李丹崖在坐
三五閒曹氣味真偶來攜手即佳晨
新番水調搗銀撥早掌紅燈看璧人
醇酒漸教情話密薄寒初與火爐親
今宵坐向春風帳暫避紛紛十丈塵

題陳健夫探梅卷幀正叔畫

琴孤鶴瘦月當衙官與寒梅況不差
自別江南頻

入夢今逢紙上欲移家水雲浮動微分影粉墨迷
離遍是花有客沈吟橋畔立一枝難得寄天涯

雨中過蔣京少古藤書屋小飲同陳健夫表

士旦周文在分韻

荆溪把釣長吟客縱入京塵有好懷亂石滿庭開
野徑古籐一架覆高齋秋當涼雨盃初設門對閒
曹姓久埋今日招來嵇阮社不辭泥飲濕青鞵

癸酉人日過陳健夫西峰草堂蔣京少張豐

村不約而集小飲分韻

紅塵不到子雲亭一路晴光柳漸青佳節先來尋
野客草堂偶聚帶春星嘗新盤菜無烟火獻歲詩
篇發性靈從此勞勞歡會少軒車且爲酒壺停

王方若贈盆中桃花

小別山園已十年天桃買贈旅情牽枝頭細綠纔
分朶苞裏柔紅欲破尖每到三春花上市恰逢五
夜客朝天匆匆老眼朦朧過那似移盆到枕邊

壽徐芝仙

仙術淮南是主翁採芝歸去世難逢幽芳紉佩琴

徽裏竒句聳牙鬼窟中客舍冷如寒食火家書遲
過棟花風囊無一物爲君壽慚愧衰顏借酒紅

京師斜街張第瓊花

竒種何年斷廣陵雕欄寂寞昔曾凭誰將玉蕊無
雙本移到瓊林最上層一面墻陰全露粉幾堆葉
底未消冰時人攀折尋常看認得名花價始增
瓊花初見眼偏明不比塵埃富貴英出海冰綃風
剪破驚人玉樹鬼雕成唐昌古觀留香魄后土荒
祠記艷名自是仙葩通御氣一枝來傍上林生

賦答徐壇長

小寓春寒慢不披論心密坐最相宜遮門蘿蔓懸
高架礙步花枝結短籬客到旋賒惟市酒朝回常
把是君詩年來冷社無人整大半揮毫直鳳池

得劉在園太守處州消息緘詩却寄

花時從未解囊琴誰問陽春調古今驛路雲山愁
跼遠印堂風雨怕衙深函中絮語如君到詩裏繁
愁似我吟不是交同蘭氣味如何話出一人心

繡幕

一片輕綃障碧空沉沉消息恨無窮常懸銀鏡何
須月自貯紅顏不要風柳暝花昏春寂靜雲溫雨
暖曉朦朧分明聽得調鸚鵡似隔湘波少路通

碧桃花下同李丹崖聽曲

花滿豐臺路費尋小齋深閉自多春聲傳南國消
魂曲香接東隣絕代人黃鳥窺簾猶繾綣紅桃照
鏡益精神東風吹醉三分酒便是天台隔世塵

寄懷吳劍宜

揚州誰見古繁華一夢三年醒尚誇紅藥香圍名

士席垂楊雪撲麗人家不收夜市從沽酒早放春
城任看花只有墻東吳季子閉門五字足生涯

舟泊天津

津門極望氣濛濛泛地浮天海勢東昏到曉時星
有數水連山外國無窮柳當驛館門前翠花在魚
鹽隊裏紅却教樓船停鼓吹迎潮落下半帆風

奉使還鄉九日登大庭庫同王力區顏遇五

諸兄弟子姪

百尺荒臺四野風故鄉盃與弟兄同黃農風俗平

原裏鄒魯山川落照中滿把紅萸人未少盈頭白
雪事皆空雁來燕去驚身世難作籬邊一醉翁

春雲

花信東風次第催輕雲一片過峰來陰垂綠樹窗
難曉冷入紅樓幕不開兩地能通神女夢一春不
散楚王臺誰知變態同浮世暮暮朝朝是浪猜

岸堂兀坐

年年蝸寓不曾移巢燕衙蜂兩舊知問字無人應
閉戶驅愁有法只吟詩纔挑野菜登盤後久種山

薑上架時烟舍一般春嬾漫匆忙獨累鬢傍絲

閨愁

烟路雲程水是鄉不容魚雁更商量燈吹夜雨收
明鏡幃閉春風坐暗牀滄海難填仍是淺秦城可
築未爲長傍人畧皺閒眉黛一刻紅消只海棠

夏夜新晴望月寄懷枯蒼劉在園太守

浮雲斂盡碧空寬隣樹橫檠月一團尋句獨行花
院落懷君久立井闌干窗如亮雪攤書易牀比涼
秋就枕難待到冰輪懸正午天涯留得兩人看

和古香雨中之作
五十年或留詩
紅塵未歇利名爭
漫興多從避雨成
收水烹茶同客試
扶花引蔓上墻生
山中書屋常遭漏
郭外瓜田定廢畊
常有鄉愁催旅鬢
迎秋衰謝不須驚

九日獨醉

蕭蕭帽底二毛加
歎老傷秋未有涯
若妬節來風送雨
不關人病菊開花
盧龍塞近清霜重
永樂陵荒落照斜
一醉籬傍忘感慨
高登遠眺易思家

晚庭

十年南北似浮家
名姓何人記齒牙
閉戶閒鋤秋草砌
垂鞭早散午槐衙
愁來短鬢難勝鑷
病後衰脾漸畏茶
瑟瑟涼風通塞口
單衣莫看晚庭花

送程孚夏之官黔中

萬峰深入一囊輕
蠻草番花霧雨晴
金筑村烟元驛路
牂牁風俗漢州城
官衙最得焚香臥
仙吏應多策馬迎
但阻燕臺人萬里
猿多雁少亦堪驚

長至日集觀音庵同顧天石林桐叔王漢卓

陳健夫李蒼存論詩聯社

今日同人世外逢迎陽景物不知冬石墻松徑深
無限增影山光秀幾重漸覺名心如佛淡頓教老
興入詩濃遠公社裏分題去簪笏悠然別是胸

改花朝詩

乙亥二月一日同社顧天石陳健夫方枚
士方葆羽林桐叔李萬資吳青霞王漢卓
劉北固黃蘭偶顧爾立徐芝仙李蒼存周
策銘余尺玉沈筠石李丹崖諸子集岸堂
各擬詩題予曰二月朔古爲中和節作撲

蝶會然三春花事寔始于此日古人以二
月十三日爲花朝義無所取從來朝必用
朔夕必用望花朝宜與月夕相對何不以
二月朔爲花朝以對八月望之月夕乎同
人咸以爲可遂作改花朝詩

佳晨移在曉風前不教清輝兩度偏半月何妨花
占早一春須讓蝶爭先預招挑菜尋芳侶多辦聽
鶯買醉錢况與中和同宴賞今人詩話又堪傳

弘善寺看杏花

半月暄和麥隴青杏花時節興難停偶來騎馬尋
山寺便欲鋪茵就草亭曉雨纔催紅爛熳春風易
送粉飄零高僧亦惜芳菲日聽客攜樽戶不扃

中春詩

八月望爲中秋二月望應爲中春古人未
及故又集同人賦之

輕寒微煖試春袍攜手尋芳出近阜有數韶光惟
此日及時佳會只吾曹社前社後纔來燕風早風
遲漸放桃爲報花間沽酒客歸鞍須待月輪高

武林同人遊十里河園亭

繫馬烟堤景四圍同來客興一時飛層層畫閣山
趨眼樹樹穠桃露惹衣綠水溪長通棹遠蒼苔磴
險過人稀不知柳外何亭榭夕照參差見翠微

蹋青日送顧天石之潮陽

正是津亭看柳條送君何處不魂消巫雲十二詞
留楚春水八千路向潮放眼鱷溪連鳳嶺垂涎丹
荔與黃蕉相思只待歸帆說此地從來雁寂寥
重三日陳健夫招同毛季蓮過崇效寺松下

直泥飲朝對夫空同
棗林古寺路迢遙撲面晴光早赴招桃片已如歌
女扇柳絲未減舞人腰三聲梵響塵心遠一陣松
風酒氣消此地最宜叅妙理傷春忽憶舊紅橋

三月雪晴同李公凱徐華隱劉文起龐雪崖

袁杜少諸先生集雪塢上人禪院

並轡朝天午散時得閒來和惠休詩花驄熟識黃
梅院蓮社偷攜白玉卮樓上雪晴山展畫榻前風
定柳垂絲如何熱態消難盡坐向僧寮又鬪棋

侯茂來歸隱臨安

三旬九作送行詩同調如君更莫辭歸計觸將情
似酒別言搔得鬢成絲桑麻有業留秦洞黃綺何
功出漢時聞說東南天目好孤雲從此繫相思

少年行

箏架笙囊酒並攜出城高唱白銅鞮吳姬勝雪鬢
猶短宛馬如銀齒未齊解却雲裘頻借水拋完全
彈更九泥傍人指點王孫姓新起朱樓碧巷西

清明過李萬資寓留飲

三月河橋御柳寒羊裘不脫老長安城中過節逢
花少席上思鄉忍淚難杏火榆烟從冷落蝶鬚鶯
翅莫彫殘與君重訂尋芳約何日春郊雪路乾

寒食雨雪

番番氣候似深冬百五佳辰雪裏逢併與梨花同
淺淡爭將柳絮比輕鬆松楸墓遠人遲掃店舍烟
寒戶早封猶喜春城不禁火圍爐撥得酒醅濃

試新茶同人分賦

精陳品具掃閒寮茗戰蘇黃俱赴招槐火石泉新

歷歷松風桂雨韻瀟瀟未投蘭茁香先發纔洗瓷
罌渴已消誰寄一槍來最早貢網猶自滯春潮

碧山堂夏日宴集喜晴分韻

塵中瀟灑舊山居石徑全荒待客鋤纔破榴紅侵
酒醖乍流松翠落衣裾分龍雨足堪移竹騎馬堦
乾好曝書謾謾清風涼到枕北窗無夢亦華胥

七夕集賈梅菴齋中送羅以獻歸漢陽

張望天邊好會初人間且莫歎離居尋秋老客星
常聚鬪巧新詞錦不如萬里晴川烟浩渺兩行古

驛柳蕭疎橋填銀漢猶難渡迢遞愁君上蹇驢

七夕次日同人社集

冷露沾裳玉宇清佳期已遂女牛情迢遙天上從
頭恨迅速塵中過眼驚處處關河分老淚年年聚
散感浮生誰如月殿相逢巧不駕仙橋路自平

重陽前三日飲李萬資寓齋看菊

處處尋秋杖履同高人寄傲即籬東題糕不待黃
花節脫帽何妨白髮翁離却詩篇難過日添來酒
債總成窮明朝縱有風兼雨須訪陶家最盛叢

劉靜伯寓看菊

今年菊向此中尋結束東籬別樣深接白連黃難
辨朶重枝疊影易成林移來銀燭偎花坐散與金
樽聽客斟不爲傷秋偏潦倒新交須話一宵心

登高回赴魏鴻衍席

淮南落葉薊門烟客鬢沾秋十二年又向樓窗開
倦眼還從馬背聳吟肩同衙好友如兄弟接席清
談勝管絃逢着茱萸須痛飲莫教鄉淚滴樽前

龐雪崖招遊崇效寺同柯南陔僧雪塢小集

清樽酒盡客庭荒
燕市難容魯國狂
工部回朝多野興
贊公出定有閒房
佛前地淨松垂子
城外天空雁作行
獨歎衰遲棲未得
淄塵污却鬢毛霜

送方枚士同弟之任信豐

君來君去秋爲期
鼓棹高吟五噫辭
身是閒鷗無地礙
情同醇酒與人宜
常懷館冷偏攜手
屢見囊空代皺眉
從此寂寥詩社罷
筆牀塵鎖不勝悲
天際輕帆疾似鷹
連牀兄弟興飛騰
酒沽山店濛濛雨
詩寫江船暗暗燈
濕我青衫歌一疊
遮人紅

樹嶺多層河梁搔首離懷惡
暗覺霜毛幾倍增

丙子花朝社集岸堂同蔣玉淵劉仰山陳健

夫子臣虎潘層峰吳霍山袁中江劉靜伯

顧爾立朱贊皇李萬資汪紫滄程書焉施

孝虔李永祺徐芝仙李蒼存余尺玉分韻

駘蕩晴光滿巷衢
扶藜策馬客閒都
從頭花事爭今日
續尾詩篇讓老夫
倦眼臨燈人已醉
殘衣在篋酒還沽
君看洛下耆英盛
彷彿于今但畫圖

過龐雪崖工部看盆桃

春城蹋遍日西斜，纔見紅桃隔幔紗。
飲向枝邊非俗客，開當題處是名花。
宮中露井圍千樹，洞口秦人住一家。
不及深深官舍裏，無風吹落半天霞。

送施孝虔南旋

前程何處可登樓，着破征衫一笑休。
明日風烟添夜夢，今年去住入春愁。
堤青漸引歸心馬，江白遙迎倦羽鷗。
只有河橋紅酒幔，最能調笑客囊羞。

哭袁中江客死

洛城風日正春遊，黑院陰房獨自秋。
寄櫬閒聽僧

夜懺歸旌穩待水，南流稿遺詞賦搜。
難備渣剩參苓曬，未收料理君身朋輩在。
放懷眠去不須愁，半老浮生哭幻身。
牀邊滴淚少乾塵，纔知鍊句能嘔血。
誤信離家可避貧，書到強開將瞑目。
舌存難示未亡人，飄零才鬼誰收掌。
今夜迢迢抵萬春，細雨漫天古巷昏。
連牀有客夜招魂，瓦燈照寢如家舍。
布帶臨喪少弟昆，牽紉故人來白馬。
脫驂高義出朱門，因君死別交情見。
濁世滔滔一綫存，由來文命兩難齊。
胸塊如山漸已低，苦皺眉歸無

地展大分手去幾時攜火燒病枕三春夢雨濕魂
旛一路迷送殯人回花滿帽黃昏留得子規啼

程書焉程正路招同人過慈仁寺看海棠

春愁隨客酒須澆吟到花前進一瓢試看蜂忙香
定有曾經雨打粉難消苞含國色爭三月本占時
名歷兩朝今日粧成人又洗伎樓風韻在僧寮

吳鏡庵之淮南迎妻子

又報淮南水漲城司空見慣亦須驚湖平未敢浮
家住堤斷難教乞米行燕趙人回隨雁陣茱萸節

近起鄉情送君誰解瓊瑤佩詩滿奚囊依舊輕

送僧樹居還金陵

善畫花卉

四篇詩外一言無烟雨南歸舊帝都衲袖朝衫誰
是客宮花野草並堪圖風翻葉笠投荒寺水濕芒
鞋渡漲湖出世猶歌行路苦浮生塵裏倍長吁

陳一水中翰出守兗郡李蒼存同行索詩送

之

兗郡由來舊魯疆荒城廢苑亦堪傷西通河濟多
秋水東接龜蒙半夕陽少有桑麻難出稅未聞絃

誦可休糧知君愛讀循良傳痛說民情莫斲忘
同作閒曹意自親趨陪多在冷霜晨不圖撫字來
黃閣豈但飛騰羨錦鱗肩上孤桐鄒土物幕中小
李楚詩人逍遙五馬旗亭路離酒無傷送客神

同麗雪崖工部賦得燕知社日辭巢去

一盃聾酒淚模糊人世萍蹤感燕雛正好歸時休
落後儘堪棲處未嘗無瀟瀟暮雨垂簾暗渺渺秋
林望眼枯只恐重來我又去明年春社兩踟蹰

展重陽同揚耐菴閔左誠蔣玉淵費滋衡顏

季相王漢卓張遠亭李萬資陳健夫程書
焉楊恭士徐芝仙顧天石吳鏡菴張昭敬

集岸堂

誰將九日展秋風作賦高懷四座同甕酒重斟浮
面綠籬花又放應時紅無多兄弟身仍客有數登
臨鬢已翁此節何煩人記取徒添鄉淚袖懷中

僧根潔招集白雲寺

蓮社招攜世外情翩翩小隊野人驚同行蔬圃論
興廢對坐僧窗料雨晴山裏白雲秋落寺門前紅

樹晚遮城勞生未卜重來此雙鬢如蓬百感生
題禹尚基畫
依然書劍在人間手弄烟霞夜不閒粉本應堪懸
殿閣墨圖從此壓荆關抱堂竹影幽難近隔嶺楓
林秀莫攀却惹塵心懷舊隱白雲司裏展青山

寒食送陶奉長歸長沙

寒食雪飄寒倍加三春不見一枝花旗亭勸飲盃
難盡驛柳催程影易斜何處悲歌來易水幾人慟
哭向長沙送君語罷歸城急久住長安便是家

閏二月蹋青

十年鄉泪憶漁磯今日池臺似浴沂晴雨不更城
外約暖寒難定客中衣春烟滿巷梨花晚社酒盈
缸燕子稀斟酌東風遲一月不教狼藉看芳菲

寒食集岸堂同李萬資費厚蕃顧天石張玉

山

新鶯上苑許誰聽客舍無烟戶自扃節氣能容花
嬾惰年華易惹淚飄零苦留老興歸詩卷力遣春
愁離酒餅又是他鄉寒食日匆匆十見柳條青

中春日大雪與顧天石小飲
花朝雪逐曉風來鶯歛新簧蝶護胎瓊樹壓殘春
錦繡鳳城修起玉樓臺還留爐火今宵對又緩園
花下月開歌扇詩瓢休冷落西山如畫好傳盃

上巳集谷寧上人丁香院修禊同顧天石陶

奉長顧爾立陳健夫劉靜伯潘層峰蔡鉉
升唐馭九徐芝仙家竹巢分韻

朝衫那及舊漁蓑兩度看花鬢已皤苦趣徒教僧
歎息良辰莫學佛消磨迎人芳草閒門滿變柳春

風靜院多胸次不留塵一點禪牀許我醉顏醺

暮春同顧天石楊耐庵過西峰草堂

年年禊事此間修繞郭清溪一帶流芳草採多難
作佩塵顏洗盡未如鷗柳遮巷口春風入山映堂
簷雨氣收寂寂城隅人靜處杖藜容易出門遊
飲刺梅園松下同龐雪崖顧天石沈騶士樊

花坡分韻

誰氏名園菜滿畦喬松留與野人棲濃排翠影含
風冷橫長虬枝拂地低幽賞纔攜閒酒具勝遊曾

見舊詩題手摩孤幹盤桓久落日城南路易迷
龐雪崖戶曹招過慈仁寺方丈看海棠同李
公凱學士蘇茂弘中書劉文起行人金素
菴吳南林沈方舟李東序沈騶士諸子
年年春事輸僧家北院東寮樹接霞遇閨攤開三
月景無風留住十分花粧成艷色誰曾洗含着幽
香世少誇賴有閒曹清興滿携尊早散午時衙

憩龍泉寺東院王相公新堂

香臺東面勢低昂相國繙經造此堂出定僧閒常

縱目遊春客倦亦乘涼不栽花處生青草但起風
時響白楊萬塚纍纍無隙地黃泉應似市朝忙

馬蘅原諫垣招陪田綸霞少司寇念始戶曹

過天壇看牡丹同鍊士高潤生曹天全琵琶

琵琶客樊花坡

洞天瀟灑隔塵埃絕品名葩繞砌栽半老人從春
後看十分花在午前開難將丹藥留衰鬢強借檀
槽勸淺盃不是洛陽園裏宴謝公裘履好追陪
岸堂芍藥花下留沈騶士顧天石陳健夫費

滋衡嘗櫻桃
留或臨士
隨天
不刺
勤夫
賞
悠悠春事付塵勞苦盼鄉書首重搔
半畝山園開芍藥十年燕市飽櫻桃
荒厨留客商量久老眼看花鑒別
高天氣絕佳惟四月無錢也遣貫香醪

過龐雪崖寓看芍藥喜遇李彙公

客舍春歸似水流見君塵慮即時休
折來瓶裏翻紅藥供向燈前襯白頭
寒瘦詩腸同一派迂顛笑柄各千秋
舊遊坦率新知樂既醉何辭更滿甌

秋日同人賦得蒼翠日在眼

蕭森籬落未秋殘
屐破苔痕有客看
藤架懶除垂地蔓
竹林儘放礙門竿
午陰濃處頻移榻
夕照佳時更倚欄
似在羣峰深絕處
不須風雨晝生寒

九日龐雪崖招同袁杜少黑窰廠登高

携手尋秋步古塵
西山收雨萬峰新
飛來黃閣雲如蓋
流出紅墻水是銀
同有鄉愁臺上客
又添衰鬢眼前人也知
醕酌酬今日燕市難逢酒味醇

聽曹天全彈琴

中庭月照十分秋
夜半聽琴客上樓
相對和平君

子器如聞喟歎古人愁深心默默憑絃語細水淙
淙出袖流只有成連曾解意可能攜手下滄洲

除夕同姪衍棧守歲

爆竹千門旅客驚阿戎來此共燈檠東風不凍宜
春帖臘酒能溫獻歲觥媚寵三分隨世態圍爐一
半慰鄉情閒題兒女癡談話暫阻今宵白髮生

同人集東臯雨後看杏花

酒泛春瓶婪尾香東風吹雨午生涼有花村舍塵
纔歛近水園亭燕早忙十里紅消稀密樹一番粉

退淡濃粧年年三月尋芳路碧草如烟易夕陽

和東臯漁父圖原韻

漁歌慷慨發孤舟浦淑人稀隨意留秋岸蘆花如
雪泛春溪桃片與家浮山橫新月收魚網樹隱殘
陽問酒樓不踏紅塵仍濯足臨流好近一雙鷗

金素公洪秋岩偶過岸堂看晚菊

瑟瑟西風凋薜蘿疎籬小徑故人過匆忙應節黃
花老漸次經霜紫葉多酒德無爭誰樹敵詩禪不
講自消魔十年看菊茅簷下醉起吟成鬢已皤

蕭自己卯人日社集岸堂下
莫笑京華住冷曹翩翩金勝掛簾高
陰晴氣候春難定兒女心情老怕挑
纔有客來分栢酒又將詩去惹霜毫
草堂社事浮雲變十度春風吹鬢毛
東臯招飲看杏花
杏墅重來客鬢蒼當年風物不曾忘
團圓鬪酒人皆散狼藉開花樹又忙
兩部笙簫吹趁水滿林蜂蝶舞過墻
芳菲有限春城遠拚與王孫醉一場

上巳城南修禊

漫天芳草鳳城南况值風花三月三
新水迎魚泉曲曲長條拂鬢柳毵毵
忙中節序春誰惜夢裏升沉老自諳
倒盡匏樽人不醉宦情客緒兩難堪

初夏同李彥繩飲紫藤花下

深深綠樹喚流鶯人到西園似出城
已放朱藤花事晚纔隨白社宦情輕
侵簾密影涼碁局覆座濃香醞酒鐙
醉裏分題渾漫興詩名不與市朝爭

過崔青時寓同劉元歎黃自先劉雨峰吳元

郎外架上紫藤

蒙茸萬縷以覆英碧柱朱闌上下繁風蔓搖時低
影亂烟苞破處落香清垂纓覆席如蓮幕結繡張
筵勝豆棚正是斜陽空翠裏飄飄霞在半天明

秋雨退朝寄懷劉在園觀察

一別秋山罷采薇何曾卽署便輕肥輿中殘夢疑
歸客朝裏新涼憶典衣書斷天涯詩友在菊開霜
節酒錢稀垂簾竟日蕭蕭雨自理衰脾耐晚飢

重陽前三日子章雲招同黃自先劉元歎吳

元朗小集

寒雨連朝旅客驚茱萸節近觸鄉情因添白髮多
傾酒爲愛黃花數出城洛社常逢簪組會江村舊
有鷺鷗盟誰能發興如卽署携手吟秋看晚晴

元朗

Large stylized seal or stamp, possibly a library or collection mark, spanning across the gutter of the book.



Small vertical text on the right edge of the page, likely a page number or chapter indicator.

